

son d'or, à l'enuy les vns des autres, pour faire succeder leurs desseins en l'Europe, & iouir des meilleures parties du monde, vputut desce temps-là en auoir sa part, faire entreprendre les voyages de long cours, de Lamont & de Laual, bastir, auictuallier, armer & equipper plusieurs grands Vaisseaux de Guerre à la coste de Bretagne, que Lazare Baif qui estoit de son temps Ambassadeur à Venize, dit auoir esté faicts & bastis en façon de vaioparons, qui estoit vne sorte de grands Navires propres pour le combat, lesquels elloient en vogue du temps des Romains, comme il le rapporte doctement au Commentaire qui s'en a fait.

L. 2. c.
cap. 10.
p. 1. r.
m.

Puis en suite fist faire, publier & obseruer de son regne les plus belles Ordonnances de la Marine pour cét effect, qui eussent esté auparauant. Et encor non content sa generosité sensiblement piequée au plus haut point de la gloire des Roys & de l'honneur de Dieu ou toutes choses doiuent tendre, desirant aussi de son costé faire ranger les Costes du Nord, pour y decouvrir & conquerir nouuelles terres, y chercher passage au Carré & en la mer du Sud, afin qu'il ne restast rien en l'Vniuers, qui ne fust descouuert, non seulement pour en tirer les commoditez en son Royaume & subuenir de l'abondance des vns, au deffaut des autres, d'où est venue la premiere société communication & ciuilité des hommes. Mais pour faire recognoistre l'Eglise, porter & prescher la parolle de Dieu par toute la terre & iusques aux extremités des Indes, afin que ce qui est dit en l'Escripture Sainte, & plusieurs propheties fust accompli, par le Ministère des deux principaux Roys de la Chrestienté, comme il est rapporté par ce sçauant personnage le sieur de la Boderie mon Cousin, au commencement du nouveau Testament par luy translaté mot a mot, & dedié à Henry trois, Imprimé à Paris l'an mil cinq cents quatre-vingt quatre.

Le pre-